



Broj: T18 0 KT 0019112 26
Brčko: 14.07.2026. godine

Optužnica potvrđena dana 16.07.2026. godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

B. D., rođen ... 1988. godine u Virovitici, Republika Hrvatska,

Što je:

Dana 04.01.2026. godine oko 18,45 sati u mjestu Marković Polje u Brčkom, krećući se magistralnim putem M-14/1 iz smjera Lončara u pravcu Brčkog, u otežanim meteorološkim uslovima, kada je zbog padanja snijega kolovoz bio mokar i klizav, upravljao svojim putničkim motornim vozilom marke „Peugeot 207“, registarskih oznaka ..., u kojem se kao suvozač nalazila C. M., dok se iz pravca Brčkog prema Lončarima kretala kolona motornih vozila i to: motorno vozilo marke „VW Touareg“ registarskih oznaka ..., kojim je upravljala Lj. M., u kojem se na suvozačevom mjestu nalazio S. M. a kao putnici E. i L. M.; motorno vozilo marke „Peugeot 207“ registarskih oznaka ... kojim je upravljao Đ. A., u kojem se kao suvozač nalazila B. A. i motorno vozilo marke „Škoda Superb“ registarskih oznaka ..., kojim je upravljao D. P., u kojem se kao suvozač se nalazila A. P., a kao putnici su bili S. C. i D. P., pa je D. postupio suprotno odredbi člana 43 Zakona o osnovama bezbjednosti saobraćaja na putevima u BiH, te iako svjestan da nepridržavanjem saobraćajnih propisa može ugroziti javni saobraćaj i dovesti u opasnost život ljudi, olako držeći da do saobraćajne nezgode neće doći, propustio da brzinu kretanja svog vozila prilagodi osobinama i stanju puta, tako da vozilo može pravovremeno zaustaviti pred svakom preprekom koju pod navedenim uslovima može predvidjeti, pa je usljed neprilagođene brzine od oko 65 km/h došlo do destabilizacije vozila i prelaska na lijevu polovinu kolovoza kojim su se kretala vozila iz suprotnog smjera, kojom prilikom je došlo do kontakta lijeve bočne strane „Peugeot 207“ kojim je D. upravljao, sa lijevom bočnom zadnjom stranom vozila „VW Touareg“, kojim je upravljala Lj. M., a nakon toga i do kontakta vozila „Peugeot 207“ čeonim desnim dijelom na čeonu lijevu ugao putničkog motornog vozila marke „Peugeot 406“, kojim je upravljao Đ. A., usljed čega je kod C. M. nastupila teška tjelesna povreda u vidu preloma lijeve nadlaktice sa dislokacijom, nagnječenja glave, krvarenja iz nosa, preloma od 1-3 zuba gornje vilice lijevo i nagnječno razderne rane gornje usne, kod Đ. A. nastupila teška tjelesna povreda u vidu nagnječenja glave, nagnječenja desnog ramenog zgloba i desne polovine grudnog koša i iščašenja desnog skočnog zgloba, kod B. A. nastupila teška tjelesna povreda u vidu preloma četvrte dočlanačne kosti desne šake, nagnječenja i krvnog podliva čeone regije glave lijevo,

nagnječenja desnog ramenog zgloba i nagnječenja i oguljotine kože oba koljena, dok je vozilo marke „Škoda Superb“ registarskih oznaka ... kojim je upravljao D.P., krećući se desnom polovinom kolovoza iz pravca Brčkog iza automobila „Peugeot 406“, da bi izbjegao direktan kontakt sa vozilima koja su se nalazila u desnoj saobraćajnoj traci, skrenuo u lijevu saobraćajnu traku i izletio sa kolovoza u lijevi kanal, te na taj način svojim vozilom došao u kontakt sa drugim vozilima,

dakle, kao učesnik u saobraćaju na putevima nije se pridržavao saobraćajnih propisa i tako iz nehata, ugrozio javni saobraćaj i doveo u opasnost život ljudi, pa je usljed toga kod drugog nastupila teška tjelesna povreda,

čime je počinio krivično djelo - Ugrožavanje javnog saobraćaja - iz člana 326 stav (3) u vezi sa stavom (1) Krivičnog zakona Brčko distrikta BiH

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
